

JARIDA LA

WIZARA YA UTAMADUNI, SANAA NA MICHEZO



Wizara ya Furaha

Toleo la Mtandaoni: 04 | 06 Agosti, 2022 - TABORA | www.michezo.go.tz

FAINALI ZA MABINGWA UMITASHUMTA 2022 ZAKARIBIA




wizara_SanaaTz





MICHEZO UMITASHUMTA YAELEKEA KWENYE MICHUANO YA FAINALI ZA MABINGWA

06 Agosti, 2022



Mtwara, Njombe Zatinga Fainali ya Soka Umitashumta kwa Wenye Ulemavu

Na Bryson Mshana – TABORA

Timu za Mpira wa Miguu kwa wanafunzi wenye ulemavu wa kusikia na kuon-gea kutoka Mikoa ya Mtwara na Njombe, zime-fanikiwa kuingia fainali ya mashindano ya michezo kwa shule za msingi (UMI-TASHUMTA) yanayoendelea kitaifa Mkoani Tabora.

Katika michezo miwili ya

nusu fainali iliyochewza leo Agusti 06, 2022 kwenye viwanja B na C vya Shule ya sekondari wavulana Tabora, timu ya Mtwara imepata ushindi wa goli 1 – 0 dhidi ya Iringa, huku Njombe ikiin-doa mashindanoni Dar es salaam kwa mikuwaju ya penati 2 – 1 baada ya kumal-iza muda wa kawaida wakiwa wametosha nguvu

kwa sare ya 0 – 0.

Goli pekee la timu ya mkoa wa Mtwara lilifungwa dakika ya 52 na mchezaji wake tegemezi Raymond Ndaka, ambalo lilidumu hadi dakika ya mwisho ya mchezo huo na kuipa Mtwara tiketi ya kuingia hatua ya fainali ambapo itakutana na mabingwa wa tetezi Njombe.



Kocha wa kikosi cha Mtwara Shazili Nangulukuta, amesema amefurahi vijana wake kufika hatua ya fainali, na sasa wanaangalia mchezo huo utakaopigwa jumatatu tarehe 08, 2022.

"Awali tulikuwa na malengo ya kufika robo na nusu fainali, tuliweza kupambana na kufanikiwa, sasa tumeingia hatua kubwa zaidi ya fainali ambayo ni ngumu pia, naamini tutafanya vizuri na kubeba ubingwa" ameeleza Kocha Nangulukuta.

Naye Kocha wa Timu ya Mkoa wa Njombe Mwakabi-

di Joseph amesema michezo wao dhidi ya Dar es Salaam ulikuwa wa ushindani mkubwa ndio maana ulienda hadi hatu ya matuta.

"Ulikuwa mchezo mgumu, Dar es Salaam wana timu nzuri lakini wachezaji wangu wamepambana na tumeshinda japo kwa matuta lakini ushindi ni ushindi na sasa tunajipanga kwa fainali dhidi ya timu ngumu ya Mtwara" amesema Mwakabidi.

Kapteni wa timu ya mkoa wa Njombe Isack Sanga, wameuelezea mchezo wao

wa fainali dhidi ya Mtwara kuwa utakuwa wa kusimua kwani wanafahamiana vizuri.

Mtwara na Njombe zilikuwa kwenye kundi D katika hatua za awali za mashindano ya mwaka huu, na walipokutana kwenye mchezo wao kwenye ngazi ya makundi mtwara ilishinda 3 – 2, hivyo mchezo wa fainali unatarajiwa kuwa mgumu na kusimua.

Njombe ni Bingwa mtetezi wa mchezo wa soka kwa wavulana wenyewe ulemavu wa kusikia na kuongea kwa UMITASHUMTA 2021.



Wanafunzi Makundi Maalum Waiunga Mkono SensaBika

Na Shamim Nyaki – **WUSM**

Wanafunzi wenyе mahitaji maalum ambao wanashiriki michezo ya shule za Msingi (UMITASHUMTA) mwaka 2022, mkoani Tabora, wameelezea kuwa wako tayari kuhesabiwa katika Sensa ya Watu na Makazi inayotarajiwa kufanyika Agosti 23, 2022.

Wakizungumza katika wakati tofauti baada ya

kumaliza mechi ya Nusu fainali, kwa upande wa Soka la Wavulana wa kundi hilo, wameeleza kuwa wamehamasika sana na Kampeni ya SensaBika na wapo tayari kuhamasisha wenzao wengine kushiriki zoezi hilo.

Naye Kocha wa Mkoa wa Njombe katika kundi hilo, Bw. Mwakibibi Joseph amesema vijana wana

uelewa mzuri kuhusu Sensa na wamehamasika vyā kutosha na kuitia nafasi waliyopata kuonesha vipaji vyao ni jambo kubwa na wameli-furahia.

Michezo ya UMITASHUMTA mwaka huu, inaenda sambamba na Kampeni maarufu ya kuhamasisha Sensa inayojulikana kama SensaBika.



Kapteni wa timu ya mkoa wa Njombe mpira wa miguu kundi maalum Isack Sanga akiSensaBika.



Mtwara, Njombe Kukutana Fainali UMITASHUMTA Makundi Maalum

Na Shamim Nyaki – **WUSM**

Mpira wa Soka Wavulana kwa Makundi Maalum katika mashindano ya Michezo kwa Shule za Msingi (UMITASHUMTA) mwaka 2022 umefika hatua ya fainali ambao utawakutanisha Mtwara na Njombe.

Katika mechi iliyochewza Agosti 06, 2022 kwenye uwanja wa Sekondari ya Wavulana Tabora, Mtwara waliifunga Iringa goli moja

lililofungwa na Raymond Ndaka dakika ya 52 ambalo limewapa nafasi ya kuingia fainali.

Mkoa wa Njombe ulichoshana nguvu na Mkoa wa Dar es Salaam katika dakika zote za mchezo na kulazimika kuingia katika matuta, ambapo Njombe iliibuka kidedea kwa penati 2 dhidi ya 1.

Kwa matokeo hayo sasa Njombe ambao ni mabingwa watetezi watakutana na Mtwara katika fainali itakayochezwa Agosti 08, 2022.

Makocha wa pande mbili pamoja na Manahodha wa timu wameonesha kuridhika na matokeo huku wakishukuru Serikali kwa kutoa nafasi kwa kundi hilo kuonesha vipaji vyao.



Mwanza Yatamba Riadha Mita 800 Wasichana

Na Bryson Mshana – TABORA

Mkoa wa Mwanza umeibuka kidedea katika mchezo wa riadha baada ya kuibuka na ushindi katika mbio za mita 800 upande wa wasichana kwenye mashindano ya UMITASHUMTA yanayoendelea Mjini Tabora.

Katika fainali za riandha ambazo zimefanyika leo Agust 06, 2022 kwenye uwanja wa shule ya sekondari wavulana Tabora, Sara Masalu kutoka Mkoani Mwanza ametumia muda wa dakika 2:24:06 katika mbio za wasichana mita 800, hivyo kuupa mkoa huo medali ya dhahabu katika riadha UMITASHUMTA 2022.

Mkoa uliofuatia ni Singida ambao mkimbajaji wake Hamida Paulo alimaliza

akiwa nafasi ya pili akikimbia kwa dakika 2:25:15, akifuatiwa na Matrida Yohana kutoka Shinyanga aliyeshika nafasi ya tatu akitumia dakika 2:26:22.

Kwa upande wa wavulana Mita 800, Abdulamir Mkia kutoka mkoa wa Pwani aliibuka mshindi kwa kukimbia dakika 2:05:44, akifuatiwa na Nyerere Laneth aliyetumia dakika 2:06:57 na nafasi ya tatu kwenda mkoani Manyara ambapo Lemalikwa Nguyaki alitumia dakika 2:6:62 na kuhitimisha mbio hizo.

Katika mbio za kupokezana vijiti mita 400 wasichana, mikoa ya Mwanza, Tabora na Manyara iliibuka vinara na kuwaacha wenzao wa Rukwa na Singida ambao

hawakufua dafu.

Salome Elias kutoka Mwanza aliongoza kwa kukimbia dakika 4:24:18 akifuyatiwa na Grace Charles wa Tabora aliyetumia 4:28:94 na nafasi ya tatu ikienda Manyara kwa Selina Ngahe aliyetumia muda wa dakika 4:36:00

Mita 800 wavulana ilishuhudia Mkoa wa singida ukiongoza baada ya Peter Machimbula kukimbia dakiaka 3:52:31, akifuatiwa na Yohana Thomas kutoka Mara aliyeshika nafasi ya pili baada ya kutumia dakia 3:52:84 na Manyara ikishika nafasi ya tatu kupitia Paulo Kidale aliyetumia dakiaka 3:53:34.



Fainali Fani za Ndani **UMITASHUMTA 2022 Dodoma, Mwanza na Simiyu Zang'ara**

Na Shamim Nyaki – **WUSM**

Mashindano ya Michezo kwa Shule za Msingi (UMITASHUMTA) mwaka 2022 upande wa Sanaa za mao-nesho umihitimishwa Agosti 06, 2022 kwa Dodoma, Mwanza na Simiyu kuibuka kidedea.

Katika fainali hizo zilizoju-muisha muziki wa kizazi kipyga, ngoma za asili na kwaya zimeshuhidiwa vipaji vya aina yake.

Katika Muziki wa kizazi kipyga Dodoma imeibuka kidedea ikifuatiwa na Pwani nafasi ya tatu ikienda kwa Kagera.

Upande wa Ngoma za Asili, Mkoa wa Simiyu umeibuka bingwa ukifuatiwa na Mkoa wa Tanga ambapo nafasi ya tatu imechukuliwa na Mwanza.

Aidha, katika Kwaya Mkoa wa Kigoma umekamata

namba moja, nafasi ya pili ikienda Geita huku nafasi ya tatu ilichukuliwa na Mwanza.

Katika mashindano hayo, Mikoa kumi na mbili ya Morogoro, Mbeya, Singida, Njombe, Mara, Kigoma, Geita, Mwanza, Shinyanga, Tanga, Dar es Salaam, Pwani na Dodoma imeshiriki.





Mara, Tabora Mabingwa Kurusha Sahani Wavulana

Na Bryson Mshana – TABORA

Kwa upande wa kurusha Sahani upande wa wavulana, Mkoa wa Mara umeibuka mshindi wa kwanza katika fainali ya mchezo huo iliwayanya Agust 06, 2022 kwenye uwanya wa shule ya sekondari wavulana Tabora.

Mwita Mwenge Wambura aliibuka mshindi baada ya kurusha sahani kwa umbali wa mita 35.20, akifuaatiwa na Jackson Eliya kutoka mkoa wa Kigoma aliyerusha kwa

umbaliwa wa mita 29.39.

Mkoa wa Mwanza ulishika nafasi ya tatu baada ya tatu baada ya Mabomo Juma kurusha sahani kwa umali wa mita 28.28, hivyo kuhitimisha fainali ya mchezo huo katika UMITASHUMTA 2022 ambapo timu zinge za Dar es salaam, Manyara, Unguja na Geita zilimaliza chini nafasi tatu za juu.

Upande wa wasichana Sheila

Nassoro Ally kutoka kwa wenyiji Tabora ailihakikishia ushindi mkoa wake baada ya kurusha sahani kwa umbali wa mita 22.89, akifuaatiwa na Martha Samuel mita 22.79.

Nyanzala Ndaki Ntandula kutoka Tabora, alihakikisha kuwa mkoa wake unashika nafasi mbili za juu katika mchezo huo, baada ya kushika nafasi ya tatu kwa kurusha mita 22.39.





Unguja Mabingwa Umitashumta Mashindano ya Kuruka Chini

Na Bryson Mshana – TABORA

Visiwa vyatia Unguja vimeubuka mabingwa wa wa wa mchezo wa kuruka chini wavulana katika mashindano ya ya 26 ya UMITASHUMTA Taifa Tabora 2022, kwenye fainali iliyofanya Agusti 06, 2022 katika uwanja wa shule ya wavulana Tabora.

Fainali hiyo ambayo ilihusisha mikoa sita, ilimaliziaka kwa bilal Rashid kutoka Unguja kuibuka mshindi wa jumla baada ya kuruka umbali wa mita 5.90.


Mkoa wa Arusha ulishika nafasi ya pili baada ya muwakilishi wake Shemeji Rodrick kuruka umbali wa mita 5.74 akifuatiwa na Julius Simon kutoka mkoa wa Arusha ambaye pia aliruka kwa mita 5.74.

Mikoa mingine iliyoingia fainali ambayo haikuweza kushika nafasi tatu za juu ni Singida, Geita na Kagera. Kwa upande wa wasichana Siwema Ntelani kutoka mkoa wa Geita, aliibuka mshindi baada ya kuruka

umbali wa mita 4.72 akifuatiwa na Asma Omari kutoka Visiiani Pemba aliyeruka umbaliwa wamita 4.60 huku Subira Jonas wa Kigoma akishika nafasi ya tatu kwa kuruka mita 4.60.

Mashindano ya UMITASHUMTA yanayoendelea Mkoani Tabora yameingia katika hatua za nusu fainali na fainali, huku mikoa ikishindana vikali katika michezo mbalimbali.

UMITASHUMTA | UMISSETA 2022



#SensaBika

Limeandaliwa na Kitengo cha Mawasiliano Serikalini
Wizara ya Utamaduni, Sanaa na Michezo